

《中國地方藝文薈萃》編輯委員會 編

中國地方藝文薈萃

學苑出版社

中南卷·第二輯 玖

中南卷·第二輯  
玖

中國地方藝文薈萃

〈中國地方藝文薈萃〉編委會 編

德州师范学院内部使用

# 第九册目錄

嶺南羣雅初集三卷補二卷二集三卷(二).....一

嶺南羣雅初集三卷補二卷二集三卷(二)

貴州师范学院内部使用

嶺南羣雅初集三卷補二卷二集三卷(二)

(清) 劉彬華輯

據清嘉慶十八年(一八一三)玉壺山房刻本影印

嶺南羣雅

番禺劉彬華藻林輯

饒慶捷

字曼唐大埔人乾隆乙未進士官翰林院檢討改內閣中書著有桐陰詩集

甘泉宮瓦摹本覃溪夫子命賦

蘇齋主人今衛恒東南處處金石徵硬黃手搨出摹勒一卷溪石間登登效古宏我以漢京甘泉遺字燦列星長生未央善頌祝不獨作賦于孝成因山架下開萬戶封巒石闕交瓊瑩繚以周垣四百里雲雨一氣青層層玉樹神芝拂鳩鵲露盤仙掌當觚稜甄官何人富天巧丹鉛細碾沙泥澄作書小吏辦奇構匠氏毋乃幸與下一從神雀去不返凱門吹屋秋風零斷椽殘楬

盡龍化只此賸甌投蒼艇侯官舍人昔弔古石門拾磔看農耕  
作圖賦詩誦萬口遂移此物來書檠吾聞羽陽秦所銘元光陽  
朔蹟則承西京文字傳絕少猶篆遺法誰服膺後人從楷上溯  
隸誰知隸篆元合并分毫波磔辨直橫更擣墨杵濡黃緡空庭  
問字乞石潤雲霞滉霽圍寒燈

入都記別

竟作遠遊計關心有寢幃還愁惹別泪不敢濕斑衣惘惘將何  
語懸懸似有違河橋春色好回首白雲磯

大庾初程雪芒鞋幾日經梅花高下隴柳色短長亭遠夢牽荒  
驛寒雞念暮垌情知北堂雨此夕更難聽

有弟供藜藿長征計未非還將子季淚滴上阿兄衣水急鶴同  
遠江寒雁獨飛芳華各自愛努力報春暉

奏賦明光殿當年志壯遊名山窮遠覽詩卷助新謳海國三春  
雨京江萬里舟平生豪興在未用感離愁

韓勣王湖上騎驢圖

陰風夜吼樂平水江北江南盡撤備郾城已散岳家軍廟堂方  
割商秦地佳士何人爲國謀高鳥未盡良弓收一把雪隨字巾  
捲旌忠空賜湖東頭六橋春日閒遊冶酒榼奚童兩瀟灑忽憶  
翠微煙雨中蒼茫無復宜人賈武穆被難後人不敢指岳城但呼賈宜人墳景靈宮  
北黃雲愁懷舊亭邊湖水秋寒驢瘦影歸來暮老卒花園睡花  
樹

桃源行爲陳淡園題照

陳君手寫桃源圖邀我爲作桃源篇桃源人跡不可到云是秦  
時避世之客存其間桑麻雞犬歷歷皆可數一如十里五里農

家村此語難憑真與假當時已無問津者劉騷已死好事少誰  
躡奇踪叩漁舍漢魏勿復知何論晉以下嗚呼自晉至今又復  
千百年桃源不見畫亦隨飛烟使君從何得此本描摹細緻窮  
林泉松年墨蹟已黯落世人徒誦昌黎作不知武陵太守所寄  
南宮生綃何處是水遠山迴想寥廓仙耶隱耶不可知妙語無  
過昌黎辭怡然問訊具雞黍黃髮垂髻識禮數月明伴宿思依  
依離別關情淚如雨此中酬酢一一如外人何但衣裝飲食與  
男女乃知洞天福地時時在人間桃源非隱亦非仙耕田鑿井  
皆帝力試問丈人荷篠何處能逃焉淡園靜者識此意自繪新  
圖娛桑梓荆釵紙局羅前軒如此園林豈非美吾笑歲星精殿  
前執戟長安米吾愛謝安西東城別墅東山妓蹉跎難鑄六州  
錯婚嫁那無十口累五畦菘三徑李有園未荒屋未圯何時歸

鐘緣溪夾岼城西負郭田日著烟籜看花紫

警堂觀察校定拙集用前奉和天馬詩韻題後仍叠前

### 韻賦謝

龍眠畫馬如真馬摩詰作詩如作畫天閑萬匹皆吾師何況登  
壇會齊霸西江詞伯人中杰題詩讀畫皆精絕雨前雨後一壺  
雲江北江南半窗雪用警堂集內涉布因江及贈蔡南屏寓齋詩句更掃驂騑勢出塵  
百四十顆驪珠新騰驤磊落九萬里真看天上行麒麟憶昔馳  
驅踰隴坂鎮遠樓高盡天漢書生籌筆事千秋橫梁風流生顧  
盼生平許可原不輕秦黃謬譽蘇門騰他年更携三百首與君  
重賦蒲稍青

### 寓齋讀書

下直歸來便讀書老生結習未全除兒童又報煎茶熟竹影橫

窗月上初

宅近宣南槐市街  
墻根新雨長  
莓苔槐花風裏間  
敲戶知有門  
生問字來

嶺南羣雅

番禺劉彬華藻林輯

張錦芳

字榮夫一字葯房順德人乾隆己酉進士官編修著有逃

虛閣詩集

玉壺山房詩話葯房天性友于少與弟瑞夫以詩齊名庭  
失雁行中恒悒悒登第後聞伯兄計踰限乞假歸未幾卒  
於家學問淹通兼工書畫詩宗大蘇上溯韓杜卓然樹騷  
雅之幟論者謂直可接武曲江談何容易要其才力富健  
氣韻深醇雅以魚山絕大之筆二樵絕奇之才聯鑣並驅  
莫相先後以之追軌抗風夫奚媿焉

觀音巖

絕壁蟠水府青冥插垠堦巨靈一掌慳千仞忽中鑿石勢儼赴  
人虧徹暝畫錯籠燭辨層梯偈仄試腰脚幽造逾宵徠積鐵立  
如削穹窿覆層顛失勢駭一落微泉逗石罅清梵度虛閣鍾乳

檐際垂秀若蓮發華憑欄一揮手俯見千里壑晴雲洞門去伴  
我向寥廓巖棲焉可常風寒日光薄

度庾嶺

長離兩狹旬衿瀧達重嶺凌晨度嶺去重似別鄉井草木餘喧  
妍雲蘿變淒冷兩崖穿一磴谷午見光景出闕浩無依俯視攢  
衆頂緬懷開鑿日兩騎不容並至今羈旅人南北互馳騁長林  
本闌寂絕礪自幽屏應緣物不閒巖壑亦難靜颺颺孤松榦遠  
配行客影未用記往來勞生道途永

筒車

篷窗喧午枕彷彿灘聲似湍流激轟轟石角聚齒齒巨防快一  
決樞軸空中起寧知水轉輪翻以輪役水聯聯銜尾鴉一一墮  
磨螿岸南急雨灑岸北長虹倚地形限灌漑人功相高庠長資

不盡源注此無停軌吾生慙俯仰方枘桔槔恥未敢薄機心沿  
泗望沙嘴

潞河阻風

長隄浩漫漫百里斷林藪炎熯閉風力決起朝怒吼吹河河氣  
黃半掣驚沙走舟行轉冥晦歎蕩觸重阜幾日發交亭計程望  
海口豈知川塗初郵籤遽淹久淹速寧有數適與颶風偶推篷  
苦味日埃熾不容帶却憶踏軟紅墉堞隨馬首舟車等蓬勃垢  
淨亦何有明當候輕颶津門指烟柳

金山中冷泉

岷峨江勢浮天來江心澤浮泉穴開江流泉味兩不雜如玉在  
石殊胚胎寒泉本自山下出云何捲入洪濤堆清冷似爲真宰  
惜品格未受蛟龍慙茫然萬頃護一勺石罅幽絕不可開夜闌

斷渡羣籟寂泉眼發見如瓊瑰孤蓬風急江更永銅餅脩綆誰  
施哉山僧行汲味真贗烹煎坐受幽人怡物無正味秣俗說并  
滌不食非泉哀興來步履登古臺我飲不用瓶與罍長江一口  
吸欲盡海門却望浮如梧清風颯爽生兩腋胸次不復餘纖埃  
時無桑苧莫與賞月明獨棹扁舟回

焦山

浮玉東來十餘里山如青螺樹如薺微茫一點浪花中古戎橫  
江障江水江流搏激生驚濤江風海雨爭怒號天地晦明異瞬  
息慘淡發此胸中豪海門兩山浪所淘卷石豈亦煩巨鼇湖頭  
驟慙加束縛始識下補根株牢蒼鷹叫風鶴橫海江豚突與魚  
龍遭層雲莽莽壓絕壁回視萬木交櫛參乃知此山信孤絕荒  
寒自昔無游舫誰與真境擅獨得饑臥不出成逋逃三詔洞前

仰睂宇人與崖石相清高而我遠行心煩忉伊誰強起空自勞  
凭欄倒瀉千斛水洗此倦客愁煎熬風雨過若人事散靜覺歲  
月流滔滔海雲堂中坐寂滅江聲何事猶蕭騷

北固山甘露寺

長江雨餘洗層邱山根倒插江中流却臨三面俯江水金焦兩  
點如浮鷗浮雲北去廣陵郭風烟漠漠南徐州五間亭屋未蕪  
沒磴路滑上寒飈地當勝絕發遐想詎有舊物資冥控蕭公  
衛公遺迹久塵土而況吳陸畫筆追僧絲如羊石亦不可識但  
見孤塔湧出凌滄洲鐵花澀繡暈苔蘚元豐世遠誰研求霜鬢  
坡老天人儔今古憑弔生煩憂變遷又閱數百載俯仰已失當  
年游茫茫大化日夜逝萬事過眼真浮漚何如江山獨不改多  
景天與開雙眸江城如畫翠一色地盡楚尾雄吳頭時來足助

恍慨畧事去亦有興亡愁我今身世同虛舟來非所及去不留  
當前不醉京口酒客心搖落寒江秋

寄暢園

入門環翠綠水樹同一色泉伏引淙潺山圍借寒碧烟霏襲游  
袂漠漠秋陰積軒楹動波光精室生虛白喬木如古民蒼茫飽  
閱歷對之不敢撫仰望自嘆息悠悠往來中我亦片時客一身  
逐幽趣何處無陳迹

偕李正夫夜至虎邱

純綺與林泉殊情豈異地幽人與世俗相雜還相避山塘路迢  
迢夜出無所詣海浦山前水乘興攜橈至梵鐘寂不聞歌舫亦  
云逝眾生隨日息嚴壑悄如睡空餘劍池月清冷襲衣袂此景  
誰復愛物我各有嗜不如兩忘好喧寂其此世君看鶴澗古來